



słowo tygodnja

WUBĚRAĆ NĚŠTO RĚKA

č. 28

- a) přewšo rady nakupować
- b) jenož dobru kwalitu dale dawać
- c) něšto přehladować a při tym něšto wurjadować abo wuzwolić

Prawa je wotmołwa **c**.

Hdyž něšto wuběraš, maš wjacore eksemplary k dispoziciji – hač pjenjezy w móšni, jabłuka w składze abo drasty w kamorje. Z nich wěste eksemplary – z wěsteje přičiny – wuzwoliš a je z cyłka wozmješ.

Takle móžeš tež prajić:

- někoho/něšto wuzwolić/wuzwoleć, něšto wolić, někoho/něšto wupytać/wupytować

Připódlu prajene:

Hdyž hołbiki wuběraš, potom z porstom w nosu borkaš a peple wučahuješ.

Tež tu wuraz na to pokazuje, zo je wjacorych eksemplarow k dispoziciji.

Příklady z rěčneho korpusa:

Wuběrašje něšto z móšnje. (Marja Młynkowa, Powědančka a drobna proza. Budyšin 1994)

Chrystla tež wjele do wsy njepřinǵe, mać jej džěci wuběrašje, z kotrymiž smědžeše sej hrajkac. (Marja Kubašec, Koło časow. Budyšin 1968)

Přeco zaso wuběrach naš sklad jabłukow a krušwow. Hdyž běch na spočatku woprawdže jenož stare, zmoršćene a brune blakate płody ptačkam dawał, tak buch z trajacej zymu wulkomyslǵiši při wuběranju a (...). (Płomjo 2008)